

平陽縣志卷六十七

文徵內編五

墓誌銘

蘇景行壙誌

東國金石志八

宋 蘇 丙

有宋處士蘇公夫人孔氏壙記

先君諱景行字伯山溫平陽人生於建炎戊申之二月四日歿於嘉泰癸亥之九月二十三日葬於嘉定乙亥之八月十九日太夫人諱守真鄉先生孔公習周女生於紹興乙丑之七月二十日歿於嘉定庚辰之九月十二日葬於壬午之九月二十八日享季皆七十有六子二人女適鄉之氏族男丙應進士科始先君口太夫人買山於邑之白石里雅山原爲二壙詔二子以吾死當口口此至是不敢違也遂祔蘇氏之先自閩徙溫至先君口口世曾祖矧

平陽縣志

卷六十七

文徵內編五

一

祖憲父桴皆潛德不仕從父武功先生權以口口口學有重名成均先君實學焉性行篤淳容止端嚴爲文口尤口古有法度紹興間遊京師多交渡江諸名人聲益起諸口弟分財自予口口弗問曰吾當自奮耳科舉學方盛以不作慙筆每試輒工留滯滋久故丙之生也太夫人自鞠育之及稍長又自爲擇師口燈寒夜載縫載紉則坐丙於旁使誦書必極倦然後與俱止如是者幾十年他日先君歸曰吾有子可教矣口口不復遊榜所居室曰得軒聚書數千卷晝披夜吟左指右授自爲師生家雖貧不移素守不屑與俗者語事有拂亂吾意口口口古人慷慨悲壯之辭以自慰解或閒見於詩邑之士敬口口口于州若縣以主學校曰此長者也太夫人清勤介直家事口悉皆自理口有無謹不以累先君事舅姑惟孝生養死祭必極誠至性惡侈篋笥中多藏爲女時衣若未嘗

掛體者曰吾不忍做之也其克約如此嗚呼此吾父母先德之大略也言將出涕咽不自勝其能盡述姑合求銘於當代之主言者矣然念曩時客京師聞先君訃奔而歸其附於身者皆不及親其悔也多矣太夫人平生畏登舟車聞人言入京之路川嶺峻險輒震駭晚以丙固請不獲已而從居二年眎京華殊不當意曰吾老矣合以我歸毋使他日載靈輿行脩路也今而蹈所忌矣夫此二者人生大不幸而丙於父母皆有焉其恨奚窮謹泣血記

故國子正鄭公墓誌銘

齊山集五

宋 林景熙

余與國子正鄭公生同里學同師繇長至老同出處人與其同然而是非眇忽之際更相箴正以至固爭極辯不苟焉爲同也不幸公先余往所嘗交者聞而皆哭余哭之倍明年其孤將以十二月甲申葬公于五峯之原求余銘拜且泣曰是不敢忘先人之遺命

平陽縣志

卷六十七

文徵內編五

二

余雖荒落念相知爲深其得辭公諱樸翁字宗仁家溫之平陽曾大父諱國珍大父諱得孫父諱阜卿恩封迪功郎妣周氏恩封孺人常簿台守蒼巖先生女弟公生於嘉熙庚子少穎出未弱冠束書游京穎名暴如雷癸亥以類申補太學戊辰升內舍辛未舍校平壬申癸酉公闈連魁中甲戌省闈又中公以前廡賜上舍釋褐授迪功郎福州教授尋除國子正轉從政郎公少失怙母鞠教劬苦暨成名又失恃每恨祿不及養追慕終天卒棄官耕隱薊山瀑下越故人厚禮招之往來轍迹餘二十霜其後次子同出乃糠粃萬事遊神高邈以辛丑十月得疾卽趣歸其友固留醫理病日侵至壬寅季春九日支僊登輿越十有二日至家形神將離對家人語尙歷歷已而伏枕又四日悠然而逝得年六十三公學聖賢之學名其齋曰初心沈毅直方自許致澤至於志不獲遂猶以言語

文字扶植綱常精衛填海憑霄銜土其重可悲也晚慕顏子坐忘竹雲一榻竟夕不寐余聞而貽書以真知實踐四字致愛助公自信力謂吾已得大意余亦不知公之所自得竟何如也或疑公學兼黃老而病且死欲實其議然性有能盡而命不可期理有能窮而數不可必雖立卓之顏而不免於短也況以此議公哉公程文在黃子冊中膾炙海內至今誦之有雜箸二卷曰續古詩一卷曰厚倫皆精實可傳余敬公之才而有節也法宜銘銘曰公之文兮爛其河漢公之行兮豐厥根幹歷艱危兮忠孝不遷人孰知兮知之者天

故待制吏部侍郎應公墓誌銘

霽山集五

林景熙

歲庚子六月丙寅宋吏部侍郎中奉大夫應公年九十卒閭巷哭庠序哭其疏遠不識公者聞而亦哭明日大風雨拔木偃禾信宿

平陽縣志

卷六

文徵內編五

三

乃止豈哲人淪亡關于世教人所悲者天亦震與公諱節嚴字龢父其先繇婺徙溫平陽曾祖諱光大祖諱顯道父諱叔度贈中散大夫母朱氏封令人公生于嘉定辛未令人夢神人紫袍玉帶乘白蚪而下覺而生公中散命其少名曰夢辰免乳習九經如懸河諸子百家過目輒記至毫不忘也決科七歲試童科中三十有四登甲辰武榜六年庚戌再換文科歷仕外任漣水教漣漕東幹長樂宰贛倅兩淮制司機參淮西憲兩浙運判權臨安府事內任國子監書庫太學錄國子監簿司農丞軍器監刑部郎官右司直寶章閣司農卿樞密院檢詳祕書監右文殿修撰權刑部侍郎吏部侍郎寶謨閣待制積階初授修職郎通籍改奉議自奉議凡八轉至中奉大夫曩公在六館時渠璫黷政公與學官九人扣閣陳其罪疏不報同時去國海內高之逮長淮幕會烽燧急公進策元戎率

將校登陴固守冒矢石不動邊賴以安其才自許經濟識大體周細故治法征謀獄情軍餉咸效其職至於獻替論思每以四方水旱盜賊爲上言之儼然先正遺風柱折維裂渤澥揚塵開關歸隱自歎祿豐功嗇不克徇義恥也客從中原來見公龐眉皓髮如商顏圖畫中人異且拜問以攝生之術公笑曰吾有夜氣丹矣爲文精實詣理有補世教課曾孫竹屋一燈丙漏下不倦幅巾藜杖時行虛落閒園翁溪友忘其昔貴自號平坡居士倏盛夏時得微疾精神笑語亡恙一日整冠坐命孫傳翁侍戒以修身齊家之則曰謹識之語已而瞑嬾朱氏漕使雪廬趙公之甥先二十四年卒男一將仕郎蚤世孫一將仕郎傳翁曾孫五以是歲十一月己酉葬公于管峯之原於戲孟子謂天下達尊三有一已希況於全乎公曾三品齒九袞德以參之歷麾節如韋素田具饘粥廬庇風雨可平陽縣志

卷六十七

文徵內編五

四

不謂清疾惡若臭嗜義若甘勢利熏人眾前獨卻可不謂介更夷險易亨窮閼少壯老終始于學弗情弗遷可不謂一枝葉盡脫根本獨在乘化消搖返于太初非有盛德者如是與是宜爲銘銘曰生也何來有光如虹逝也何歸怪雨盲風黃髮四朝白雲一竈維德之芳綿于世世

宋朝請大夫太常寺簿知台州周公墓誌銘

霽山集五

林景熙

故台守常簿周公既葬之二年夏其孤益昌以公行狀來泣請銘余謂公行應銘法宜求當代鴻筆僕非其人敢辭益昌固請按狀公平生歷官書之悉獨立朝二事闕而不書恐久遂淪沒且死猶有知將遺憾重泉矣遂志其大節以俟來史若狀所已書寧略公諱元龜字錫疇溫平陽人生慶元戊午讀書迎解落筆輒驚人少

有老度窮有通識以六典貢漕闡升賢關擢嘉熙進士第教授廬州歷江淮諸司幹官扶彝倫贊婉畫卓有能稱用舉員五改官試縣一監州再登朝三縣有強寇公埽清之州有滯獄公平允之朝有公議公建明之凡材而仕者猶能焉至於繫賢類消長之幾關國事安危之會而見遠識微固爭力卻雖觸虎牙中虺螫而不以爲悔則仕而材者或難之而足以見公之守也開慶已未提轄左帑時太學六士扣閣耿耿漢之三君八俊也當揆怒其攻已將擢公言路諷以意公正色曰臺諫天子之耳目不可市私恩直士國家之元氣不可以報私忿祖宗三百年學校公論所自出奈何摧折之乎語已束裝明日臺疏下矣景定初登庸元勳咸謂公相國故人要津立致公尺書不叩光範一廢六霜癸亥始以主管官告院除未幾委買江東限田用爲心膂公昌言排之曰熙寧開海內

平陽縣志

卷六

文徵內編五

五

無事王安石以新法騷動釀成中天不忍言之變普天之下莫非王土未聞瘠子以肥父而家可爲也聞者震耳讒者交吻而公復不容於朝明日又臺疏下矣夫豈不知唯唯之爲福諤諤之爲禍然寧此勿彼何也富貴電光也名節日月也公素疾邪其於不義富貴視之若浼故隨仕輒已進尺退尋十有三年而通籍二十六年而持麾人方悶悶我獨徐徐勁節高風爲世仰慕然則彼讒人之致力乃借譽而掄揚誠如歐陽子所云也晚簿曲臺意天以禮樂俟君子不半暮子郡郡又不及試豈古道之難復生人之寡祐哉京歸道得疾及門而疾革以咸淳癸酉五月一日卒年七十六階朝請大夫曾大父諱某大父諱某父諱某累贈朝請大夫是爲戒軒先生先生嗜古及交慈湖楊公簡鶴山魏公了翁其學根義理達事物公所樹立父教也自號蒼巖雜著八十卷又喜編纂有

訓鑑大蒐文苑心嗜師友四騷觀史大議管見類要詞科類藁奇  
字法語各若干卷夫人林氏封宜人男三益昌台州黃巖簿晉昌  
邵武軍戶曹鼎昌台州戶曹兼憲幹周氏世居馬鞍山下垂三百  
年祖墓在其東松柏蒼然公就旁隴自營繭室先葬宜人至是年  
八月庚申始合窆焉銘曰挾河漢兮爲章抱鐵石兮爲腸與世獲  
落兮與道翱翔維此馬鞍山兮生養而死藏彼圓形兮同死獨不  
死兮留芳

宋貢士晉齋先生陳公墓誌銘

霽山集五

林景熙

橫陽豐山陳氏淵源文獻世其家自左廂兵馬使傳十有二葉而  
至貢士公其閒或隱或仕雖仕或不顯若嗇於天矣而名父子難  
兄弟哲夫懿婦先後一門銘其墓者皆當代鉅筆而龍泉葉公銘  
之再由此觀之斯文之澤嗇於前而豐於後天之報善未嘗爽也

平陽縣志

卷六十七

文徵內編五

六

貢士諱某字某生嘉定乙亥曾大父諱某故修職郎大父諱某故  
承奉郎父諱某承奉長齋公嘗師止齋先生光廟初扣閣不報歸  
遜林泉以學授子若孫貢士習聞緒餘又益濬之其學通經濟而  
不局於章句其文根義理而不銜於葩藻淳祐己酉薦于鄉景定  
辛酉再薦黜禮部始謝舉子業與季弟節菴出壁藏數千卷丹鉛  
手勘永夜伊吾精而性命羈而事物近而視聽言動之則遠而元  
會運世之故熟討窮研學益深文益古游戲儻語亦關治教時宰  
將起公布衣以重史館貢士固辭曰是不可易吾素自號晉齋亦  
望道之得行也時未可進退以斂之時未可昭晦以養之隨時變  
易以從道也於是貢士年八十矣大德戊戌十月微疾卒于家貢  
士行不求僻言不立怪壹以忠信篤敬爲受用根柢人亦熏德而  
良巷有爭者不之官之貢士質焉貢士曰某直直者喜曰某不直

不直者愧已而喜愧兩忘各釋爭爲睦於以見盛德之感人而人心天理不甚相遠也自類舊藁若干卷謂文未喪天後當有知予心者娶尹氏先十五年卒孫彌仲泣而求予銘予非其人懼忝先哲彌仲請益堅則敬次其語志之銘曰知士藏愚達人據槁維此齋居而以晉表晉之自明明非外皦惟退於時乃進於道好醜千年孰壽孰夭講學之功乾涸諸老

故國學內舍蘧君墓誌銘

齊山集五

林景熙

君諱某字德威蘧其氏也蘧爲昆陽希姓今族於南江者實自衢來至於君九葉爰沂厥先在春秋時衛大夫名瑗孔子稱之曰君子是爲蘧氏鼻祖譜牒弗傳寥寥二千年間君子之澤若是乎遠也曾大父諱某大父諱某父諱某皆隱德不耀箕裘忠厚逮君殖以孝友華以詩書益著且碩君少穎發經傳諸史過目成誦試有

平陽縣志

卷六十七

文徵內編五

七

司數不利借逕韜略戊辰補國庠較藝居先明年升內舍又明年請監舉下第東歸不以得喪累懷事親菽水盡歡執喪哀毀以至骨立詳於冢舍而略其家豐於時祭而菲其奉髮垂白每道父母時事輒泣下嘗曰兄弟均父母遺體也與仲氏怡愛藹然家事鉅細悉以付之仲氏疾醫禱徬徨不幸不起則泣且歎曰人生大夢耳須珪組何爲幸而有田可以備饘粥有先人之廬可以蔽風雨吾亦從此遯矣會陵谷兵戈騷屑所至無完室君旋被荒穢結小屋數間繚以榆柳種菊蒔蘭乃角巾野服挾策相羊雲嵐舒卷草木榮謝無不目擊而心領歲時美景燕洽族姻命家童歌淮海清真詞盡醉而止念生無所用遠不能澤當世近猶當惠其鄉歲侵蒿目語人曰爾饑吾食能下咽乎輟廩分賑又海糴以續其匱匱入而賤出人德其濟曰蘧公活佛也悲夫以君之行已及人明於

大體而周於細故其爲君子之後也庶乎無愧矣娶林氏帑院公之女男霆龍歸章氏爲婦君生於宋嘉定庚寅二月以大德辛丑十月戊寅終于正寢年七十有二初君自卜兆于靈溪之原詔霆龍曰美哉斯邱窈而深廓而有容是爲予千秋之幽宮予死葬毋越三月循古禮也霆龍祇治命以臘月甲申奉柩藏期薄而乞銘於予予以同舍郎不得辭銘曰桑田兮海水槐國兮風雨彼美人兮在何許采芙蓉兮江之浹抱貞芳兮以道終始百年兮抔土垂孝友兮詔孫子

故建安書院山長陳公墓誌銘

坊下陳氏譜

元林淳

公諱印翁字德權陳嬀姓以國氏先世有自潁川遷閩中者其地於今爲福之寧德縣支題山唐廣明初十六世祖有光又自支題山遷於永嘉平陽之瀛州里是爲瀛州始祖後奉議郎馬步院判平陽縣志

卷六十七

文徵內編五

八

官書枝葉蕃衍而闕閔始大著在宋朝則有朝奉郎秘書省正字兼吳興郡王宮宗教授逢辰朝散大夫漳州太守吏部侍郎羽數世文物全盛冠蓋相望四方學士咸宗之時登瀛之譽多歸美於陳氏矣曾大父故大父與父熹皆隱德弗仕公幼聰敏往行莫不曉暢性孝友敦口旌以和交鄉黨以信凡處置時事爲民去害興利必適於義而後行甚爲伯父帥幹公所器重嘗謂人口興吾宗者其此子也公志在隱居既成堂構乃作琴書之所環種修竹故以可竹自號顧海之東有陰均水門歲久就圯公以僧知融能道人爲善遂與協力命工修而復之又海之東南有峻嶺人病其上下口口輓反復之艱公乃謀諸耆老相彼丘原更營坦道於斯二者其志慮及民概可見矣先是省憲以茂異舉公爲建安書院山長未幾永嘉郡守西夏公致書幣命郡博士祝君定來請攝永嘉書

院事絃誦暇日從賢士大夫游觀覽夫華蓋中川之勝發爲歌詩  
倡和成集他日歸語諸子曰吾老矣聰明日衰懼勿能永年歲餘  
果卒公生於咸淳九年四月廿七歿於至正四年十二月十八春  
秋七十有二娶王氏里之望族先公卒次室李氏生男五人文僞  
文質文祐文顯文舉孫男七人曰粵曰啓曰穴曰房曰封曰啗曰  
魯孫女皆有歸曾孫男二人長恣次恩十三年冬山寇延毀江南  
諸鄉賴文僞謀畫得全太府知之舉爲本州佐固辭遂擢粵爲南  
監巡檢一日文僞狀父行實踵門請曰孤不天茲卜至正乙未十  
月十又八日奉柩葬於白玉潭之原從先志也先人有善可書知  
先生書法無隱求今辭以垂於有永淳少與公親且厚逮宦遊南  
歸而公已逝矣嗚呼吾聞盛德者有後公果有後盛德矣乎是宜  
銘銘曰德之成其始曰貞道之行其終也榮澤及後人益有令名  
平陽縣志

卷六十七

文徵內編五

九

吁嗟乎先生

按是文見坊下陳譜題云承事郎前南恩州陽江縣尹兼勸農  
事林淳撰賜同進士出身將仕郎慶元錄事陳高書省委總督  
官溫州路平陽州知州周嗣德篆額蓋照石刻原式錄載也淳  
後反應方國珍執周嗣德事見周傳其爲陽江縣尹又見宋濂  
平陽林氏祠學記子陞以非罪死見選舉志

故宋學士徐公墓誌銘

不繫舟漁  
集十三

元陳高

公諱銑行千四八姓徐氏其先閩之秦川人始祖諱贊者石晉天  
福庚戌徙居溫之平陽坊郭至公一十三世矣歲至正庚子其曾  
孫德一一日請於予曰吾曾祖學士公旣葬雖久而乏所誌蓋以  
吾祖與父皆歷薄宦適丁世變而不暇及今幸叨遇隆平敢不泣  
血而白祖宗之遺德乎余辭不獲乃按狀序而誌之公祖諱旻高

州通判父諱淮江東主簿母夫人鄭氏公生而幼天資聰敏度量弘達儒言經旨夙有聞知既而以明經擢授正字尋命集賢學士居官謙謹不失矩度上甚禮遇焉而公未嘗少有懈志嘗謂人曰士君子讀書務在明體達用爲臣死忠爲子死孝使方寸事事方正有可對人言者則施無不達用無不可故公德器成就言隨所行人皆以古君子亦不是過也茲因德一之請而暴白之庶幾前人之德無所遺矣吁讀書而明聖賢之學入仕而行聖賢之道草詔變坡張皇國命一出於上之實意而不媚浮辭其何負於平昔之學者歟公生於宋嘉定庚午二月二十八日卒於宋咸淳辛未九月十五日享壽六十有二以是年十二月十三日葬於薛家堂之原夫人朱氏子男四長公瓚四川帥幹次公璣州前稅務大使四公球醫學提管孫男十曰參翁衢州稅務大使曾孫二十三曰平陽縣志

卷六十七

文徵內編五

十

山壽處州稅務大使玄孫二十六是非天道之餘慶者歟宜爲之銘銘曰光嶽之英文物之規篤生大家餘慶所宜其學伊何維孔是師其道伊何維周是期操翰鑾坡蛟騰鳳儀有子有孫壽考維祺令德若斯誰其似之用傳斯銘以昭潛輝

處士彭公墓誌銘

不繫舟漁集十三

陳高

至正己亥冬予自四明歸與友人何君岳過處士彭公所公時年七十六矣筋力堅強衣巾楚楚見客至大歡遇夜留客飲命諸孫行酒饋食而公坐對客款接殷勤甚予出謂何君曰耆長者蓋其禮貌人不苟如此足以見公平日爲人可敬也夫明年公歿予聞大戚曰鄉之老成人不復可見矣又明年將葬其諸孫以狀來乞銘曰先生知吾祖敢以爲請嗚呼其尙得而辭哉公諱仁翁字如山其先自閩遷溫之平陽金丹鄉曾大父弘大父旦父直道公昆

仲三人而公爲李聰敏通豁遇事勇重然諸負幹濟才不出求用於世而能以善治其家兄濬翁早卒其子琪甫始生孩六月公曰兄弟之子猶子也字育訓誨之俾成人與已子均養齊愛琪甫死撫其諸子與子之子如一及諸孫長分財琪甫子四人子之子一人公析貲產爲五略無纖毫偏私厚薄人以爲難鄉黨宗姻稱其義故家人化服公訓長稚敦睦毋敢有間言嘗遇歲饑設粥食餓者鄰里之不能自給者賑之粟人多德之或解衣以濟貧人贊路以便行路蓄藥以惠病者其好施予不吝蓄財多類此至正二十年三月丙辰以疾卒年七十有七配鄭氏庶生子一人曰瑩甫早卒孫男一人曰文震從孫四人琪甫之子也長文從次文明慶元路奉化州判官次文定次文崇卜以二十二年二月壬辰葬於其鄉梅輿之原予聞天之報施善人必大其後公之後其將大乎銘

平陽縣志

卷十七

文徵內編五

十一

曰箕衍禹疇九以福終克享厥福世罕其逢在公之躬實兼而有畀予自天亦孔之厚爰振厥緒乃裕而昌爰啟其承乃奕以光友于其兄以及孤幼化行於家睦焉靡疚均財之義州里賢之推羸於人積而能施生逢其居歿藏其宅梅山之原幽幽松柏松柏幽幽淑氣萃焉式佑爾後厥慶綿綿

愚翁墓誌銘

不繫舟漁  
集十三

陳高

溫平陽鳳江之南曰夏較里顧氏世居焉其先李唐末自閩之長溪赤岸避亂始遷族後蕃衍在宋時掇科第致通顯者前後相接又多以儒名文學爲鄉之冠紹興初錢唐主簿岡潭州監獄碩連翩出仕秦檜用朋黨傾趙相鼎主簿貽書讓蕭侍郎振不當阿檜辭氣激烈寶慶閒主簿之從孫任知橫州從曾孫翼夫通判隆興皆由進士顯著一時橫州之從弟諱大齋學優而仕不偶生子晏

以明經教授鄉里爲碩儒生四子俱有聲場屋其第三子諱力行才特俊邁學者宗之號南江先生遭宋革命文運未興齎志以歿有詩萬餘篇曰小慙集尤工駢儷語多爲人所傳誦其弟諱某號牧坡先生詩文亦清麗伯仲間聲譽藉藉南江先生無子以牧坡先生次子後是爲處士諱某字某爲人質直不能曲意隨順人而好趨人之急性喜竹居屋旁栽竹數百竿每與賓客弈棋飲酒其下醉則陶然若有所得嘗曰竹吾友也因自號爲友竹云年若干以疾終於家且死謂其子曰吾生勛業無所成死而無以傳後世之愚者莫吾若也已吾死必以愚翁易吾號庶幾表吾之志乎哉故歿而以愚翁稱遵遺命也娶鄭氏子男一人曰世標溫州路永嘉縣尉女一人適曾瑾孫男二人某某處士生於至元二十九年十月某日卒於至正六年七月某日以至正二十一年四月某日

平陽縣志

卷六七

文徵內編五

三

葬於鳳林鄉鳳輿之原世標來以銘爲請嗚呼處士生簪纓士族浮沈於世不爲聲利逐逐死而託其跡於愚豈真愚也哉要之所以爲賢乎銘曰與竹爲友清可則也以愚自名晦其跡也嗟乎處士類有德也鳳林之丘爰安宅也有攸吾銘過必式也

梅隱處士章君墓銘

不繫舟漁  
集十三

陳高

處士章君卒於至正十五年三月乙未葬於至正二十二年九月乙巳其孤德來請銘於賜同進士將仕郎前慶元錄事陳高謹爲之銘君諱成字叔實自號梅隱處士曾大父溢大父如博父季倫娶黃氏子一人德也孫男六人以折以信以道以齊以周以儀系曰章之裔絲浦城練氏功活我岷旆奕葉彌昌榮郇國奮業以弘逮伯歸仕永寧居白沙後以興世傳十處士生性克敏識斯明抱材器嗜史經孝於親友弟兄齒方壯慕簪纓遠周覽北如京浩然

歸爵奚縈篤爲義聞斯行奉惟約家則羸周人急眾所稱歲壬辰盜以悍氣日張誅弗勝君感憤疾乃嬰壽七表踰三齡天不憖嗇以頤維處士載德馨負耿介韜光英志則鬱善可程身弗享在繼承子克肖孫有成葬蔣嶺耐先塋考厥美視茲銘

廣威魯公孫山阡表

孫湖山  
石刻

明魯鐸

嗚呼鐸不幸甫八齡喪先將軍今三十餘年矣母太恭人嘗告鐸曰汝上世廬之合肥人素稱宦族有諱賢字希哲者因元季擾攘知天命有歸遂募兵從我太祖高皇帝龍飛淮甸之初輸忠效誠以武功官至燕山武略將軍汝曾大父也諱旺字國輔者進階海門廣威將軍汝大父也改任金鄉乃汝父諱瑄字孟瑜也汝父在日有遠到志春秋四十有二竟質志而歿汝時尙幼莫知所由幸汝長成績承勳爵吾當告以汝父爲人之一二其蚤襲父蔭幼學

平陽縣志

卷六十七

文徵內編五

三

壯行誠實篤厚推以事君職業之惟勤修城濬濠繕甲利兵罔敢或怠常曰以身殉國不自欺乃爲臣之道吾知其忠也侍祖母劉母王昏定晨省冬溫夏清生則盡愉悅之情終則盡思慕之義猶能繼述吾知其孝也心存惻隱廣施博愛有漁人獻以巨龜遂釋諸海郊郭遺骸悉爲瘞之境內饑荒買粟賑之遇窘急無告者輒以泉帛與之之無生者平反以活之吾知其仁也造舟航以濟物興水利以便民立神祠新寺宇樂善好施不厭不倦吾知其德也每蒞事必慎威儀總海道之師一揮口出堅如金石練兵訓卒必本乎誠設施措置必盡乎理許人以諾千金弗吝吾知其信也聞善必遷見義必爲驅倭奴於海口擒猛虎於林閒屹如砥柱雖患難而不改其志吾知其勇也見賢思齊折節下士博通書史善大書小楷能左右射射無不中凜然氣岸人不可犯吾知其英

也嘗謂人曰吾死必爲神今果驗矣曩歲山獠海寇侵掠屢彰神  
異此境賴之無虞間有好惡陰報卽死凡百患難禱則響應福善  
禍淫吾知其靈也病革之時顧我執汝手而告曰吾有子也善加  
撫育冀其紹祖宗之遺胤殫臣子之節操博於物愛於衆則吾死  
不憾矣蓋父嗇於前子必昌於後汝宜親正人行正事毋二汝心  
毋汚汝行庶幾隆汝績成汝名毋負國恩毋忝所自汝用吾言則  
吾爲母者異日從汝父於地下無愧矣小子識之又嘗命鐸曰汝  
父先配王太恭人俱窆梅原窆旁吾歿之後禮宜附焉然封塋歷  
歲滋久恐泄山靈秀氣汝當擇吉但用先人衣冠以合葬是吾福  
後之願也鐸謹以天順庚辰冬庚申卜宅兆於蓀山之原太恭人  
喜曰誠吾志也今歲癸未夏五月十五日吾母太恭人壽止六十  
以疾終於正寢太恭人諱妙音字淑清姓陳氏寧波衛指揮宣之  
平陽縣志

卷六十七

文徵內編五

古

孫承信公義之女也生平端謹貞淑相我先人克盡婦道孝於姑  
睦於族中道孀居正閨門之懿範祀先必盡乎誠撫衆必盡乎愛  
朝夕教子則以孝弟忠信爲言嗚呼罔極之恩曷報拳拳慈訓詎  
敢忘哉今以十二月十八日壬寅遵治命而合葬焉先人生卒歲  
月已載之前壙志茲不復贅鐸泣血謹書

平陽縣志卷六十八

文徵 編六

墓誌銘

節婦黃陳氏墓誌銘

墨城  
石刻

明 吳致文

節婦諱隱字道炯姓陳氏平陽墨城里黃叔安之妻玄擬之母也  
曾大父諱讜大父諱慤父諱厚同邑世家也俱隱德弗耀節婦生  
於元至正辛巳三月十有七日年二十而歸黃氏未紀而黃歿時  
玄擬生未晬也衣衾棺具節婦悉鬻簪珥服襄事哀戚踰禮卜地  
於里北東山之陽山多巖石術者謂茲地有巨石似擲中土僅容  
壙誠佳地也至時果然遂獨葬焉人皆以爲節婦誠感所致黃之  
宗族富有相尙妯娌之間珠飾錦綺烜耀人目節婦視之若敝屣  
孝奉姑育子之外釐鹽自茹服飾不御日夜紡織敝衣舊裳浣濯

平陽縣志

卷六十八

文徵內編六

一

如新寸帛尺絲緝縷成服婢僕之類咸資之陳之父母度節婦不  
能終每默遣老嫗諷之曰年早孀居鮮有不虧名行辱其子女與  
其虧名行何如早自圖節婦厲聲叱之曰敗風俗壞心術莫若等  
也我生於名家女嫁爲名家婦旣失所天義不生存姑老子幼任  
將疇歸勤苦卓立分所當爲遂以死自誓痛哭幾絕父母知其志  
終不可奪乃止居無何姑氏病染以痢婢妾輩無敢近者節婦躬  
爲掬滌若不知其穢似此日以爲常庸人孺子聞之莫不皆歎駭  
比卒送終之儀一資紡織朝夕致奠哭泣盡哀三年之內未嘗見  
齒伺子稍有知卽遣學從師介人諭之曰是子早孤非圖以文字  
計宜先教以洒掃應對爲起身之階本之以孝悌忠信無事嬉戲  
與羣兒伍日授章句夜歸必命焚膏習誦自正厥訛暨長旦夕教  
戒曰讀書循理人之常也棄本逐末士之恥也我爲爾母爾父早

棄雖有薄田數畝日用不給何庇而爲生乎顧以紡織之資爲恆業今爾既長我亦衰邁力田務本在所當先奔競趨利我所勿取玄凝受命唯謹修身勵行威節婦義方之力也永樂閒監察御史劉公靖觀風茲邑廉察節婦行實奏聞春官議未覆覈移文浙憲檄僉事劉公濟胥公必彰覈實上之而節婦已捐世矣實歲己亥二月初六日也享年七十有九子男一曰壬生玄凝其字也孫男三慶衍慶積慶餘曾孫男四哉佶象衍玄凝營墓於先大夫墓之東原溪頭擇葬於歲之壬寅正月二日庚申葬之後春官具實類聞嘉其節特立門旌表以褒異之玄凝來請銘於其石予與節婦有親親之雅其賢行淑德知之爲詳義不可辭乃爲銘曰節婦懿行金石比堅拒斥浮諷厥聲凜然事姑勿憚義方尤賢不忝爾後無愧爾前旌書褒異光賁九泉我銘斯石永著無騫

重脩義兵防禦金牌萬戶侯童公墓記

石 明杜 整

童公諱順字公順行琇一其先冀之安仁人有曰仁軫公者宋大觀閒仕諫議大夫封侍郎賜綠金魚袋次子仁宿任僉轉運同知奉命出鎮福州督運白糧值靖康丙午金虜南侵南北荆棘由閒道復命經溫之橫陽上江遭疾勿作遂家焉是爲公一世祖也歷七世諱贊公以寶慶乙酉遷居邑之萬全童橋又六世而公始生公謙恭樸厚智略過人訓迪厥子專以積德爲務以濟人利物爲心方元季同僉周嗣德爲方寇所擒生民無主公愀然不忍爰命長子聞舉義兵捐軀赴救凡家務悉委次子玠治之玠事親至孝服勞奉養無少懈怠是以聞得專意攻逐方寇遂克復平陽城保障居民凡十餘口至我太祖高皇帝兵至括蒼公識眞主遂命聞以其城獻蒙授義兵防禦金牌萬戶取公留軍門亦封萬戶後聞

改鎮瑞安溫州至閩人陳友定侵汾水關領軍勦捕克山溪麻陽  
南山五大桐山沓石等處屢賜段正銀碗至於克口水潮州征延  
平取尤溪征古田攻福安擒倭寇于福寧松山赤岸及除羅源白  
塔早嶺河洋并泉州安溪等賊救民功難枚舉璽書褒獎至再至  
三此皆公義方之訓所致也公孫七朝任淮安大河衛後所正千  
戶誠任鳳陽中衛後所正千戶義贅梅駙馬府安旻威信俱隱德  
勿耀益樹厥德以培其根爲鄉推重曾孫一十有五昂昆旦冕俊  
冕吳勗吳昂昇吳昂曇昕而昆與吳皆年登九袞荷聖恩冠帶之  
榮玄孫四十有奇雲仍以下不可鞭算而器阜鉗皆遊邑庠食廩  
祿仕進有期凡此皆公積德濟物一念基之也公生於元大德戊  
戌五月十八日未時卒於大明洪武庚戌四月二十一日未時壽  
七十有三同夫人王氏合葬本邑焦下之原墓飾歲久將圯今其

平陽縣志

卷六十八

文徵內編六

三

玄孫坤白諸叔父昕偕弟堪恒備減率族人齋沐告墓重事修整  
築亭製碑刻公所受璽書於其上且持公行實徵余文以記之將  
以發公潛德之幽光以垂不朽也辭弗獲爲之銘曰惟公之生時  
丁紛爭民孰守禦盜肆侵陵爰命震子興舉義兵旣獲大首遂復  
昆城歸我聖朝父子顯榮璽書褒嘉簪纓世承百四十載龜斯甕  
甕顧瞻封塋歲久鶩朋重事整飭黜聖鮮明築亭製碑索文求銘  
著公碩德發公幽馨凡厥後人益振厥聲追遠反本繼繼繩繩按  
文謂克復平陽城保障居民凡十餘年攷至正癸卯九月平陽城  
陷十二月明師至中間克復保障僅數月事耳年疑當作日今闕

明毅庵先生杜公壽藏碑銘

象嶼  
石刻

明蔡芳

青山白雲瞬視今古茲壽藏攸作也粵稽昆陽邑治北行舍餘橫  
山有嶼如象杜氏世宅于下有毅庵先生挺生其間實爲鄉望毅  
庵諱敷字嘉齊曾大父孟初大父立雅俱以德譽重鄉評考諱忱